

## Ábhar

Lena chaingean atá bunaithe ar Airteagal 265 CFAE, iarann an t-iarratasóir ar an gCúirt Ghinearálta, sa chéad áit, a aithint gur ghníomhaigh an Banc Eorpach Infheistíochta (BEI) go mídhleathach trína mhainneachtain maidir lena iarratas ar athbhreithniú inmheánach an 19 Nollaig 2020 i leith Chinneadh BEI an 6 Feabhra 2018 maidir le maoiniú an tionscadail Píblíne ón nGréig go dtí an Iodáil tríd an Albáin agus an mhuir Aidriad agus an comhaontú iasachta arna shíniú an 30 Samhain 2018 de bhun an chinnidh sin agus, sa dara háit, a cheangal ar BEI an iasacht sin a aistarraingt.

## An chuid oibríochtúil

- 1) Ní gá breith a thabhairt a thuilleadh ar chéad chuntar éileamh Associazione “Terra Mia Amici No TAP” lena n-iarrtar go n-aithnítear gur ghníomhaigh an Banc Eorpach Infheistíochta (BEI) go mídhleathach trína mhainneachtain maidir lena iarratas ar athbhreithniú inmheánach an 19 Nollaig 2020 i leith Chinneadh BEI an 6 Feabhra 2018 maidir le maoiniú an tionscadail Píblíne ón nGréig go dtí an Iodáil tríd an Albáin agus an mhuir Aidriad agus an comhaontú iasachta arna shíniú an 30 Samhain 2018 de bhun an chinnidh sin.
- 2) Diúltaítear don chuid eile den chaingean.
- 3) Ordaítear do BEI a chostais féin a íoc chomh maith le costais Associazione “Terra Mia Amici No TAP”.

<sup>(1)</sup> IO C 431, 25.10.2021.

## Ordú na Cúirte Ginearálta an 15 Meán Fómhair 2022 – European Paper Packaging Alliance v an Coimisiún

(Cás T-518/21) <sup>(1)</sup>

*(Caingean le haghaidh neamhniú – Comhshaol – Treoirlínte ón gCoimisiún maidir le táirgí plaisteacha aonúsáide – Treoir (AE) 2019/904 – Tionchar táirgí plaisteacha áirithe ar an gcomhshaol a laghdú – Acht nach bhfuil faoi réir achomhairc – Do-ghlacthacht)*

(2022/C 463/65)

*Teanga an cháis: an Béarla*

## Páirtithe

*Iarratasóir:* European Paper Packaging Alliance (Háig, an Ísiltír) (ionadaithe: F. Di Gianni agus A. Scalini, Dlíodóirí)

*Cosantóir(í):* Coimisiún Eorpach (ionadaí: L. Haasbeek, i gcáil Gníomhaire)

## Maidir le:

Trína chaingean faoi bhun Airteagal 263 CFAE, tá an t-iarratasóir, an Comhaontas Eorpach um Pacáistiú Páipéir, ag iarraidh go ndéanfaí pointí 2.1.2 agus 2.2.1 agus Táblaí 4-2 agus 4-8 de threoirlínte an Choimisiúin maidir le táirgí plaisteacha aonúsáide a chur ar neamhní i gcomhréir le Treoir (AE) 2019/904 ó Pharlaimint na hEorpa agus ón gComhairle maidir le tionchar táirgí plaisteacha áirithe ar an gcomhshaol a laghdú (IO 2021 C 216, lch. 1) (“na treoirlínte a chonspóidtear”).

## An chuid oibríochtúil

1. Déantar an chaingean a dhíbhe mar chaingean do-ghlactha.
2. Ní gá rialú a dhéanamh ar na hiarratais ar idiragairt a dhéanfaidh Ríocht na hÍsiltíre, Parlaimint na hEorpa agus Comhairle an Aontais Eorpaigh.
3. Íocfaidh European Paper Packaging Alliance a chostais féin agus íocfaidh sé na costais a thabhoídh an Coimisiún Eorpach ach amháin na costais a bhaineann leis na hiarratais ar idiragairt.

4. Íocfaidh European Paper Packaging Alliance, an Coimisiún, Ríocht na hÍsiltíre, an Pharlaimint agus an Chomhairle faoi seach a gcostas féin a bhaineann leis na hiarratais ar idiragairt.

(<sup>1</sup>) IO C 431, 25.10.2021

### Ordú na Cúirte Ginearálta an 22 Meán Fómhair 2022 – Primagran v EUIPO – Primagaz (primagran)

(Cás T-624/21) (<sup>1</sup>)

*(Trádmharc de chuid an Aontais Eorpaigh – Imeachtaí freasúra – Iarratas ar mharc fiortha de chuid an Aontais Eorpaigh “primagran” – Marc fiortha de chuid an Aontais Eorpaigh “PRIMA” roimhe seo – Forais choibhneasta le diúltú – Dóchúlacht mhearbhaill – Airteagal 8(1)(b) de Rialachán (AE) 2017/1001 – Airteagal 95(1) de Rialachán 2017/1001 – Toirmeasc ar reformatio in pejus – Caingean gan bhunús sa dlí go follasach)*

(2022/C 463/66)

Teanga an cháis: an Béarla

#### Páirtithe

Iarratasóir: Primagran sp. z o.o. (Stegna, an Pholainn) (ionadaí: E. Jaroszyńska-Kozłowska, Dlíodóir)

Cosantóir: Oifig Maoine Intleachtúla an Aontais Eorpaigh (ionadaithe: S. Palmero Cabezas, J. Crespo Carrillo agus V. Ruzek, Gníomhairí)

Páirtí eile sna himeachtaí os comhair Bhord Achomhairc EUIPO, idiragraí os comhair na Cúirte Ginearálta: Compagnie des gaz de pétrole Primagaz (Páras, an Fhrainc) (ionadaí: S. Herrburger, Dlíodóir)

#### Ábhar

Lena chaingean faoi Airteagal 263 CFAE, iarrann an t-iarratasóir go gcuirfí ar neamhní cinneadh an Cheathrú Bord Achomhairc d'Oifig Maoine Intleachtúla an Aontais Eorpaigh (EUIPO) an 28 Iúil 2021 (Cás R 2486/2020-4).

#### An chuid oibríochtúil

1. Diúltaítear don chaingean.
2. Ordaítear do Primagran sp. z o.o. a chostais féin a íoc, chomh maith le costais arna dtabhú ag Oifig Maoine Intleachtúla an Aontais Eorpaigh (EUIPO) agus ag Compagnie des gaz de pétrole Primagaz

(<sup>1</sup>) IO C 481, 29.11.2021.

### Ordú na Cúirte Ginearálta an 20 Deireadh Fómhair 2022 – Callaway v an Coimisiún

(Cás T-653/21) (<sup>1</sup>)

*(Caingean le haghaidh neamhniú – An comhbheartas talmhaíochta – Catalóg choiteann de chineálacha de speicis plandaí talmhaíochta – Cineálacha plandaí – Táirgeoir den chineál chnáib Finola – Limistéir arna saothrú sa Pholainn – Cineálacha cnáibe atá incháilithe do thacaíocht airgeadais faoi chuimsiú an chomhbheartais talmhaíochta – Cion teitrihidreacannaibionóil (THC) – Údarú arna thabhairt don Pholainn margáíocht chineál Finola a chosc ar a críoch – Easpa cúraim dhírigh – Do-ghlacthacht)*

(2022/C 463/67)

Teanga an cháis: an Béarla

#### Páirtithe

Iarratasóir: James C. Callaway (Kuopio, an Fhionlainn) (ionadaí: P. Hoffman, Dlíodóir)